

T 3223/1432.81

3

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 16 1940

建寧府志卷之五

山川下 水利附

崇安縣

黃石山在白白里縣治之後山

登高山在水東縣治之左山也九日邑人于此登高

前有巨石臨溪形如龜狀

石泉山在登高山左上有石泉菴為眺望之佳境

鐵砧山在登高山之右

官山在登高山南前有巨石臨溪其首左顧宛如龜

哈佛大學漢和
圖書館珍藏印

形

蓆帽山縣治之前山

金鷄山亦名鷄籠山在蓆帽山側山半石有巨人迹

西山縣治之右山上有西山蘭若

屏山三峯森立中一峯如屏故名宋劉子翬世居其

下因以為號

拱辰山三峯雄偉宋少保劉民先嘗講學於此

僊洲山有兩峯一尖一方下為密菴并永豐寺山頂

有碁盤石又名斧空石

起賢山僊洲山之支隴起於平村有茂林修竹宋劉

子翬朱熹嘗集於此

仙亭山舊傳有仙居此下有天湖

嘯天山一隴橫亘平遠

大王山在五夫
哩白水

龜山宋胡安國世居其傍上俱五
夫里

寂歷山在上梅里中有朱松墓松嘗有鄉關落日蒼

茫外尊酒寒花寂歷中之句後果遷葬于此人以

為詩識云

清泉山在下梅里

董山

葛仙山在縣治西舊傳葛仙修煉之所上有葛仙菴

殿宇皆鐵瓦

橫山橫亘為楊庄南障

虎踞山

寨山上有石馬五季及紹興間皆嘗立寨於此

上俱在從

里

三髻山三峯鼎峙狀如螺髻巍然為眾山宗相傳有

神仙居焉

金印銅魚山

濟拔山山有石壇飛瀑如玉簾又有龍井凡九穴水

極清可鑑鬚眉

岑陽山

銅欽山昔有道人於此結菴闢地而得銅欽故名

上俱

石白里

銀山在石白大渾兩里之界又名金鷄峯

白石山在大渾里山皆愛石狀若樓臺上有雷壇石

室及三井舊傳武夷白石先生居之

蓋里山在大潭里山之形勝蓋為一里故名

峽山在會仙溪回石東堪輿家謂為縣治之水口

竹湖山在豐陽里下有天湖及慈惠廟在焉

白塔山高插雲表陟其巔則闔之山川皆隱約在指

顧間其中有雲巖洞洞前有試心石下有碁盤石

又有龍濟道院靈響特異鄉人祈禱多詣焉

筆架山在白塔山左三峯尖聳萬木森秀天然筆架

之狀故名

回龍山中有佛寺上俱周村里

金籠山 馬鞍山上俱吳屯里

武夷山在縣治南三十里其峯巒大者三十有六此

外以名著者復數十餘本志云週迴一百二十里

巖岫聯屬形狀不一有縝潤如玉削者有森銳如

筍立者有端嚴拱揖如神人異僧者有峭秀娟麗

如美姝靜女者又有如樓臺之突兀城堞之周遭

鐘鼓之陳設廩庾之峻峙其曠如龍其踞如虎其

蹲如猊其驟如馬神剜鬼刻奇奇怪怪每天氣積

陰不復見頂朝陽初照則異峯幽巖層見疊出駭
目驚心飛瀑落崖一瀉萬仞溪流九曲繚繞其間
展登棹遊仰瞻巉巖俯弄清泚應接不暇真一方
之勝槩也其山大抵豐上斂下而色皆紅潤世言
建爲丹山碧水蓋指此也道家所謂第十六洞天
相傳嘗有神仙降此自稱武夷君又列仙傳錢鏐
隱于此山二子曰武曰夷因以爲名朱熹武夷圖
序云武夷之名著自漢世祀以乾魚不知果何神
也兩崖絕壁處有枯木槎插石罅間以皮舟船棺

柩之屬柩中遺骸外列陶器尙皆未壞頗疑前世
道阻未通川壅未決時蠻俗所居而漢祀者卽其
君長蓋亦避世之士爲衆所臣服而傳以爲神仙
也今山之最高且正者猶以大王爲號半頂有小
邱焉豈君長所居耶按舊傳謬妄此說得之矣山
之諸峯附載左方間有舊志所載神仙幽怪之事
其太甚者則去之至於小溪繚繞羣岫凡九曲有
詩

大王峯一名天柱峯高五千餘丈峯南可梯而上又

號仙蛻巖昔魏王子騫與張湛等十二人隱於此
峯之巔有古木仙果異竹奇花芝草之類

仙鶴巖在大王山之西峭壁上有繪鶴霜翎朱頂歲
久不磨

幔亭峯一名鐵佛障相傳秦始皇二年八月十五日
武夷君置酒殺會鄉人于此建幔亭綵屋設寶座
施紅雲袂紫霞褥呼鄉人爲曾孫

昇真洞在大王峯之東石壁上豁然一室徑數丈而
深倍之中有雷文蠟鴈五盛仙人蛻骨其一置石
窖窖口狹束不可出洞前有黃心木縱橫爲棧險
而不墜又有四船相覆以盛仙函半枕於洞又有
穴橫插雙木爲橋橋之西壁別開一罅中有香爐
藥甌之屬可望而不可卽也洞下直裂一隙徑逾
尋許旁有鼎爐號丹爐

拔龍洞在大王峯頂洞門小而直下垂縷百尺方及
水宋時屢遣中使投金龍玉簡於此傍有天鑑池
禪巖又名望鶴臺在止止菴後

仙羊巖在大王峯之西大小凡六七峯時有仙羊見

虎鼻巖在水中石有兩竅仰吸如虎鼻
獅子巖其形蹲踞昂首狀如獅子

大小觀音巖二石對聳其巔草木蒼翠有寶冠螺髻
狀

兜鍪峯下有常菴及宋文節公蔡杭書堂

水光石在溪頭

上俱在
一曲

鐵板障在大王峯之右巖色黑剝削如板障

馬頭巖狀如勒馬

三峯峯巒森秀中峯尤高

賭婦石 凌霄峯 仙猿巖

玉女峯亦名三娘石三石差肩而立其色紅潤望之
有姝麗態下有粧鏡臺仙冠石

虎嘯巖在玉女峯側草木叢茂或云昔有虎嘯其上
又有崇真菴後有南山書堂宋蔡淵并弟沉祠堂
在焉

題詩巖在溪畔諸名賢畱題在焉

上俱在
二曲

張真君上昇峯一名紫嶺峯以土色名

車錢峯上有白玉蟾丹爐古記云聖姥常鞭牛以車

載錢於此因名

升日巖晨旭照山金光燦耀下有金光石

水樂石有琴瑟音韻

試劔石舊傳控鶴仙人試劔於此分爲二

小藏巖半巖數處衍斷其間或插木架板望之如櫛

會仙石方平可坐二三十人

仙架船巖在小藏巖之側有船架於巖半歲久不壞

仙館巖半巖有石室其間几案在名仙學堂上俱在
三曲

仙機石半巖有石室機杼猶存

宴仙巖與釣魚臺相對

李仙巖

大藏巖下滌溪淵巖石罅中有仙骨數函鄉民遇旱

則就船以爲梯連屬而上取函以祈雨

鷄窠巖在大藏之半壁有洞穴外狹內寬木藤橫如

鷄棲狀古記云有仙鷄鳴於此巖之上

雲巖巖半有石室可坐百人中
有雲巖菴題詩菴釣

魚臺

拜章臺上平坦有火爐渾然天成上俱在
四曲

大隱屏其峯夷上銳下高廣方正形如屏狀朱熹常
築精舍于其下後有伏羲洞

接笋巖一名仙接石狀如笋立其半有痕斷而復續
下有茶洞石門瀑布

羅漢巖以其頂髡骨露故名下有石室

玉萃巖白石羅列玉光燦然

天柱峯尖秀如琢成舊志云魏王於此上昇下有更

衣臺平正如几

上俱在五曲

仙掌巖巖面有三石紋如人掌頂有崇元冥館傍有

瀑布泉巖下有仙浴室

三層峯三峯鱗疊斜倚雲漢早暎欲雨則先出陰霾
欲霽則開豁遠近以爲候

陷石堂舊有石堂院宋天聖間一夜大雷雨陷沒今
石崖橫絕僅可容足轉千餘步則地勢平曠種桃
滿源人號小桃源今爲文簡公劉煇祠堂扁曰雲
莊

仙迹巖與仙掌巖相對上有足膝痕

響聲巖中間空洞人笑語輒應

上俱在六曲

北廊巖廣袤連屬如廊廡然

猴藏巖

鑄錢巖有石梯稜層

城高巖山形高峙長亘五十餘丈儼如城壁

上水龜石

上俱七曲

鼓樓巖極高峻巖間有樓其下四楹無路可登傍有

鼎爐仙蛻函

天壺巖在鼓樓巖之側數峯環拱中有道院石泉極

清

下水龜石 猫兒石狀猫伏于山巔

鼓子巖在巨巖之巔最高絕處兩峯屹立一峯之傍

有石如鼓葉夢鼎築書堂于下名曰石鼓書堂

網絲石石紋縷絡如捲絲狀

大小面石二石相向如人面

魚磻石

將湖石

上俱八曲

雲峯下有元都觀

靈巖一線天兩石相倚長數十丈中有罅窺見天光

隱隱如線謂之一線天一名一字天洞中可坐數

十人清風徐來又名風洞谷口創門扁曰靈巖朱
熹所書

白雲巖半壁如有白雲之狀

三教石 香石

鐘模石高數十丈圓如鐘形

大小廩石二石卓立如倉廩元詹先野隱其下名廩
江之濱卽此地也

烏石紫清真人嘗煉丹其下

上俱九曲

換骨巖在幔亭峯北中一石室平廣可六七丈室前

路斷數尺舊有黃心木爲橋迄今不壞空中有四
柱樓一所如俗度閣上列置蛻函函中仙蛻背質
小而紅色世傳方外之士得道尸解者皆于此換
骨云

唐刻石在換骨巖下唐明皇遣使封名山大川登仕
卽顏行刻石以記

三姑石三峯竝立相傳秦時有三女遊於此因化爲
石

齋雲峯高插霄漢頂有菴時有燈光見

毛竹洞在九曲上流遍生毛竹上俱九曲之南

馬月巖 雲虛洞

靈龕道者巖

九井巖有石井九口

黎道巖上有招仙道院上俱在九曲之北

百丈山在建平里中有菴乃馬氏三女修真之地其

山最號名勝劉屏山朱文公蔡西山每登臨焉

文筆峯在儒學前山之右尖聳如卓筆

金鵝峯絕頂有仙壇又仙井棋盤插劍迹又有石室

淡廣中有仙蛻其地絕險人迹罕到

蓮花峯

青湖峯居諸峯之中頂有雩壇為鄉民祈禱之所有

風洞

石畚峯勢亦雄秀

廩峯圓聳如廩上在五夫里蓋一山而列五峯也宋翁挺居其下總名五峯

壽鶴峯在會仙里石門院之右

靈龜峯與壽鶴峯相對

蘆峯在豐陽里其山最高朱熹蔡沉每遊其間

青鸞峯在蘆峯西北

白馬峯在青鸞峯傍

馬頂峯在黃栢里古讖云馬頂峯前宰相家

超峯在黃村里中有圓明菴

狀元峯俗呼插破天

騰雲峯舊有三女仙居此俗呼三姑峯

白雲峯在大安水口山傍一石如人形上俱石雄里

白石峯在從政里

隱屏峯在隱仙巖下方正如屏有仙壇平廣可十餘

丈宋劉幹書堂在焉

雙峯在白木兩山竝立夜或有光見上俱五夫里

紫嶺在縣南五里土色紫故名

小源嶺在縣北五里

柯嶺

檀香嶺昔邵汀寇作亂鄉人於此立寨禦之

枯樹嶺

蕉嶺抵上饒縣界嘗建寨於此上俱大潭里

南源嶺

崇嶺

梅嶺嶺極高峻難於登涉邑人丁希信作亭其上以

憇行者上俱籍溪里

中峯嶺在梅里

清泉嶺在梅里

西坑嶺界內外五夫二里之間

棠嶺在黃栢里昔常置寨於此

東嶺在吳屯里

五嶺卽今營嶺延亘數里五代時立鎮于此郭璞行

程記謂此處山水極奇六百年後當爲錦繡地出

狀元

梨嶺在白木劉子翬雙峽橋記云溪之東屹然而高

者梨嶺建之望山也嶺之路舊爲通衢依山而險

隘宋延祐五年縣尹夾谷山壽命工火其石而鑿

之遂爲坦途又半里許亦依山爲路久而圯於水

仰嶺俗傳五季時有佛托稱徐氏釣隱于此因名

南嶺 小漿嶺 查木嶺 牛輓嶺 大漿嶺

大安嶺

分水嶺江西福建水源俱發于此蓋界於二省之間

蓋八閩第一山有分水關上在石雄里

百花巖在德星橋左舊多亭臺花卉為邑勝境

瑞巖在吳屯里有扣冰古佛內有新井

伏虎巖在瑞巖院側俗傳扣冰古佛嘗於此驅役猛

虎

將軍巖在瑞巖絕頂舊傳有三神人隱於此即今義

武廟是巖有石室古傳有雙劍藏其間又五夫甲

亦有將軍巖

檜巖去縣二十五里上有三峯蒼檜彌望

黃洋巖在石臼里內有龍井

望仙巖與白石山相對

白萃巖在縣西五里

隱仙巖頂上一峯甚高

北巖上有菴每靜夜聞雷聲隱隱出巖穴中上俱在五夫里

西巖在籍溪里巖間有瀑布傍有觀泉亭

紫雲巖上有天然菴

九井巖有穴可居巖頂有石井九口其泉下注如滴

漏然上俱建平里

陶真洞在建平里昔仙人李陶真嘗於此修煉丹竈
尚存

水簾洞山名堂曜天在赤石一崖高插而向前結菴
其上有瀑布如垂簾高可七八十丈風吹灑然而
落四時不改邑人嘗遊其間宋朱晦菴有詩石刻
尚存

石龍雲虛二洞在下梅里舊傳有神仙居之

金鷄石舊志宋崇寧間有二金鷄翔集其上上有瀑
布下有龍井相傳有神物居之禱雨多應

張源石上俱石白里

笏石在大源里寺溪

試劔石在建平里之岑陂石間有劔痕相傳昔有異
人斬蛟試劔於此

鵝籠石在五夫里

腰帶石在吳屯里溪中長三丈縈繞山腰水涸則見
上有紋斑駁隱然若腰帶

仙人石在黃栢里其頂有石室藏仙骨數函

石龍岡在石白里界崇安浦城兩縣俗傳嘗有樵者
礪斧於石脊有血流出因號爲石龍岡宋縣令趙
抃嘗禱雨於此有直上更無容足地速回猶在夕
陽天之句

壓衙洲在縣治東勢高縣治故名

黃龍洲在黃栢里之黃龍溪

師姑洲在黃栢里古有尼寺因名

浯洲在將材里之新村

天湖在五夫里仙亭山下

大溪在縣西四隅里其源有二一出石白里岑陽甌
嶺上寮竹同歷濟拔等處至吳屯里納新豐浴冰
一溪至大渾里納寺溪至抵林渡是爲東溪一出
分水嶺及大安村至第四渡會溫林寨竹山觀音
寨之水至石雄里支分入陳灣陂由縣西而下其
正流直抵林渡是爲西溪二溪會於林渡橋下至
壓衙洲岐而爲二復合於洲尾遶縣治之左流出
繼賢橋至望仙橋納下源溪又下納潺溪經赤石
西納高蘇陂諸水東合梅溪渡水經武夷納九曲

溪又陳石二溪出峽潭至黃亭又東納岑陂之水
西納下陂之水下抵建陽以達甌寧西溪

浴冰溪源出瑞巖下賜谷至林渡與西溪合爲大溪
俗傳古佛浴冰處

寺溪源出吳屯里之小東嶺下會小寺水經寺口會
賜谷及廣福橋水入大溪

下源溪源出到水坑流至望仙橋下入大溪

潺溪源出馮源由東陂橋下入大溪

梅溪在下梅里源出五夫里西坑嶺下由上梅接下

梅牛皮灘水流至梅溪口入大溪

漿溪在石雄里源出陳子洋接長灘下斗滌經黃龍
溪出赤石渡入大溪

黃石溪在從籍里源出柳源下游收流經岑陂至亭
入大溪

籍溪在從籍里胡坊源出梨嶺下合潭溪水達于黃
石經岑陂至黃亭入大溪

潭溪在外五夫里之屏山下源出拱辰山合籍溪水
新豐溪源出金井坑經吳屯下賜谷直抵林渡合于

大溪

柘溪在將村里源出西溪下左衢十里許入九曲溪
九曲溪源出周村里大源里山經曹墩合周杉二溪
至黃村溪達武夷九曲出石鼓渡入大溪

白鷗濬在五夫里之白水

飛鵝濬在大潭里有巨石裂為三巖有九井圓如釜

歲旱鄉人禱之

雙溪濬在西隅之雙溪

百丈濬在西隅里之雙溪

萬丈濬在石白里之黃洋巖

大小二濬

在大潭里

密菴瀑布

在外五夫里

金斗源瀑布

在從籍里

西巖瀑布

在從籍里

百丈巖瀑布

在建平里

金鷄石瀑布

在吳屯里

龍潭在武夷東南二溪合流匯為巨潭俗傳有神物

潛其中

澄波灣潭在縣左之左環衍澄蓄

碧潭在吳屯里又名鏡潭天將雨則潭先湧波人以
為候

馬審潭在五夫里金鵝峯之陰

萍潭在石白里兩畔巖石相薄水由巖上斗瀉而下
激為盤渦泛木者至此多為水所吸木插潭底不
能出焉

師姑洲灘在縣南

厘衙洲灘在縣左

磨灘在會仙里其流峻急而旋如轉磨然

馬做灘 界福灘 赤石灘 三姑灘

雙門灘 俱在縣南 曹峯灘 在溪口

洋宗灘在縣南其水浩蕩

天灘在豐陽里鐵山溪狹而峻急石露而嶮屹

放生池在縣東自澄波灣至溪光亭下有漁禁

瑞應泉在瑞巖寺澄澈可愛

白圭泉在縣治貞節坊之西水清寒可鑑

甘泉在吳屯里味甘而冽冬夏不涸

水利

陳灣陂

宋趙清獻公開在縣治

東岸豺鼠陂

溉田一千餘畝

長興陂

溉田三千餘畝

螺瀨陂

溉田二千餘畝

分陂

溉田一千餘畝

溁源陂

溉田二千餘畝

隆興陂

溉田二千餘畝

建平官陂

溉田一千餘畝

岑陂

溉田三千餘畝

黃石陂

溉田三千餘畝

師姑陂

溉田三千餘畝

官陂

溉田一千餘畝

烏龍陂

溉田五千餘畝

黃龍陂

溉田數萬畝

郭窠官陂

溉田一千餘畝在東鄉

新陽陂

溉田四千餘畝

高蘇陂

溉田三千餘畝

將村藍源烏龍陂

溉田五百餘畝

興田龍山陂

溉田一千餘畝

彭塹陂

溉田三千餘畝

節和金沙陂

溉田三千餘畝

友陂

溉田三千餘畝上在南鄉

乾溪陂

溉田一千餘畝

巖頭陂

溉田一百餘畝

東村陂

溉田五百餘畝

楊庄陂

溉田五百餘畝

池上陂

溉田三百餘畝

上洲陂

溉田一百餘畝

門前洲陂

溉田二百餘畝

上庄陂

溉田三百餘畝

五渡橋下陂

溉田八百餘畝

茅蔗陂

溉田八十餘畝

石塔陂

溉田八十餘畝

公婆二圳

溉田八百餘畝

將溪烏龍陂 溉田二百餘畝

鐵場陂 溉田百餘畝

馬坊橋陂 溉田百餘畝

塘窟陂 溉田百餘畝

神仙陂 溉田百餘畝

胡原橋陂 溉田五百餘畝

黃香陂 溉田七百餘畝

黃龍陂 溉田三千餘畝

塔前陂 溉田千餘畝

蘆陂 溉田萬餘畝

下詹南山陂 溉田五百餘畝

詹陂 溉田四百餘畝 上俱西鄉

古池東西陂 溉田二千餘畝

陳屯佛母陂 溉田一千餘畝

黃檀陂 溉田一千餘畝

長潭陂 溉田五千餘畝

鋪前陂 溉田三百餘畝

轉倉陂 溉田五百餘畝

七里陂 溉田一百餘畝

和尚陂 溉田一百餘畝

桃林陂 溉田二百餘畝

楓口陂 溉田三百餘畝

大歷坑陂 溉田三百餘畝

下洋陂 溉田一百餘畝

巖前陂 溉田一千餘畝

大坊陂 溉田一千餘畝

谷尾陂 溉田四百餘畝

卽谷陂 溉田三百餘畝 上在北鄉

浦城縣

皇華山在縣治北宋建皇華館因名後館改為天心

寺明嘉靖元年遷寺勝果寺右基建儒學山在明

倫堂後

橫山在縣治東北峯巒橫亘如屏山陰有井上有馬
仙祠禱雨卽應

越王山在縣治東隅自橫山結爲縣治俯瞰大溪左
接金鷄嶺相傳越王於此築臺今構有亭

回隆山在縣南峯形圓秀俯臨南浦溪爲縣治朝山
吳山在縣治東募太里山四面奇秀爲一邑之望其
居民多姓吳漢時有吳氏六千戶別屯大澤今其
苗裔也山有巖洞俗號燕巢巖巖畔有石穴瀑布
又名石竇山唐至德間潘禪師結菴其上

將軍山在縣登雲里山勢雄偉如將軍然

荆山上有安邊廟

上俱在登雲里

百向山俯臨大溪其勢挺拔四面皆見故名

油果山舊傳唐占星者云山有異氣命工鑿之復合

已而用油果祀之遂不復合宋時有周震者嘗煉

丹於此

上俱在長樂里

夢筆山在上相里相傳梁江淹爲吳興令夢神人授
筆於此故名又以山在環嶂之間挺然孤立又名

孤山

蓋仙山在縣北一名浮蓋山在鼎嶺里界衢信處三府之間周圍三十餘里上有仙壇石洞洞有石如龍口出泉甚甘美洞深處有窾可以窺天又有臥牛石木精石雙筍石石人峯

船山在官田里勢高廣而平狀如船前有玉女峯溫山山中有泉夏寒冬溫故名

百丈山山勢嵯峩高聳千仞舊記云東嶺有鍾離亭後廢上有石像人俗謂之馬大仙中有龍井宋紹

興間邑宰謝邦彥以詩投之即雨

上俱在招賢里

嵩山在總章里上有龍井禱雨多應

株林山峯巒起伏林木森秀有嶺曰卻笠俗傳華子期至此卻笠仙去

子期山與株林山聯屬相傳華子期師用里先生居此嘗修煉於溪澗之臺有神人語之曰臺前石鼓鳴汝功成矣子期一日扣之石果有聲遂仙去

上俱在孝梯里

西陽山在清湖里舊傳西陽太守全景文居此

大湖山在靖安里一名聖湖山山巔有湖澄澈無底

舊傳有採藥者見芙蓉滿湖涉而取之乃石也

大同山在總章里唐會昌中蕭袁二禪師修行其上

時梁國公邱良居山下一日遇虎二禪師曰無驚

地主遂捨地建寺上有龍湫又有虎跑泉相傳虎

穴地得泉故名

石龍山三峯鼎峙南接武夷有巨石形如龍宋崇安

令趙抃嘗遊此

銅鉢山山極高峻南接崇安界昔有道人開基得銅

鉢故名中有泉井鄉人祈禱輒應上俱在通德里

漁梁山在樂平里鄉人多堰水養魚故名舊志云天

下十大名山漁梁其一也山有水源南流為建北

流為信溪

大姥山在忠信里上舊有大姥寺大姥即魏夫人道

家謂魏夫人棲真於洞宮此山其隣也上建大姥

寺下建徐淵先生書院明崇禎間重建

泉山在永康里山頂有泉二派一入建溪一入處州

漢朱買臣傳言故東越王居股保泉山一人守險

千人不得上疑即此山

金銀山二山相連一赤一白故名

西巖山在星德門外或謂真西山之號即此

王歸峯在官田里舊志云平昌王避亂於此下有平

昌王廟

王女峯在官田里船山世傳閩平昌王遊於此

金鷄嶺在越山之左通處州之龍泉有巖如鷄狀明

永樂十三年知縣陳潼建亭於上為往來憩息之

所成化十年造城築門於上扁曰金鳳門

西巖嶺宋章德象少時嘗讀書於此山下

密嶺梁江淹嘗憩遊於此

上俱在上相里

致孝嶺在太平里舊號章家嶺相傳章得象為布衣

時壻於石鼻頭練氏外舅姑不為禮得象偕練氏

歸誓不再登是嶺及外舅姑歿練氏陟嶺瞻望揮

涕人以是名之

折桂嶺一名泗州嶺唐林藻與弟蘊登第經此題詩

樂嶺路通衢之江山厥土宜梨故名宋楊億談苑云

天下之水皆東惟梨嶺之水獨北差流入廣信溪

也明洪武年間知縣張鵬舉於嶺畔樹華表扁曰

梨關明正德七年江西徭淩洞寇亂調軍民防守

於此知縣孫懋重立關門上俱在安樂里

柘嶺在鴈塘里界處州麗水縣陸羽記高一萬七十

餘丈絕頂週廻一百步謝靈運永嘉記云柘水源

出吳興縣柘嶺以地多柘樹故名

楓嶺在縣北安樂里浙閩交界之地上有楓嶺關一

名大竿嶺

駐嶺在新興里嶺高路通崇安縣

石牛岡在總章里其狀如牛

浮蓋洞在鼎嶺里上有石洞深處有竅可以窺天

羅漢洞在登雲里舊有雙石寺今廢

查源洞在新興里查溪之源界崇安縣宋紹興初設

西安臨江二寨以備寇盜

白馬巖俗傳有仙人乘白馬居此故名傍有傳築巖

宋狀元祖秀實故居

七房巖巖有七層最上有泉穴圓如鏡名鏡泉舊傳

泉與九石潭通歲旱禱之即雨上俱在大石里

白花巖在通德里上有坐禪石昔淨空大士棲隱於

此

燕巢巖在吳山上有洞如燕壘因名

南浦溪在縣南源出漁梁山及柘嶺自縣北折而東

南匯為大溪復西繞學宮及縣治前至新溪復轉

東南過崇安入建陽合流以達於海

新溪在縣治西源出百丈山與南浦水合

江村溪在鴈塘里源出柘嶺轉流與漁梁水合入大

溪

南溪在大石里源出高泉里流錦江會大溪

洪源溪在招賢里源出夢筆山前會大溪

石陂溪在人和里自大湖山至總章里南岸會大溪

前源溪在上相里源出登雲里下砂橋至古湫會入

大溪

占源溪在孝梯里源出西陽山至登雲里下沙溪而

入大溪

臨江溪在清湖里源出新興澄湖橋至觀前入大溪

古湫潭在登雲里溪不可測下有石洞

白雲潭在縣治東即陂下渡上有飛湍瀑流至此則

淡沉淨瑩古有白雲石塔尙存

鳧綠潭在縣治西南浦新溪二水合流於此淡沉瑩
綠故名

九石潭在孝悌里西洋渡一名烏江渡深不可測上
列九石如獅形

龍背潭有巨石若龍形故名

巴獸潭左右皆石壁北有石板長二丈高八尺舊傳
有惡獸潛於潭中

上俱在
總章里

蓮花灘在太平里舊有蓮花寺因名

將軍山下灘在登雲里最險

吳家灘水激石屏不通舟筏

茅洲灘在孝悌里九石渡下溪石低昂曲折奇異可
觀

邱源灘下抵巴獸潭

塔嶺灘邑之水源悉會於此

旱灘地名黨溪昔有人派暑過此求飲無與者遂以
杖插水中涸不流

鳳池在儒學後相傳嘗有鳳集此

日月池在縣南浦門左臨溪今名湖塘以瀦越王山泉井九曲溝之水舊傳南方火位鑿此所以制火也

瀑布泉在樂平里萬葉寺後自山頂瀉下數百尺飛濺尋丈外若珠簾罕地天下號為第三瀑布泉

水利

九曲溝

金鷄嶺溝

花園巷溝

上俱在東隅

市心街溝

在南隅

迴東嶺溝

後街中溝

勝陽巷口溝

迎遠門溝

燒帛巷口溝

燕尾巷口溝

軍營巷口溝

鑄鑪巷溝

上俱在西隅

吊橋頭溝

積水池

儒學前溝

新溝

上俱在北隅

寺後陂

余生陂

張家倉陂

交溪陂

石壓陂

石嶺陂

峽陂

龍源陂

蔡九郎陂

虹橋陂

黃師陂

劉源陂

官塘陂

大堰陂

惠日堂前陂

俱上相里

魏司馬溪陂

洪源溪陂

洪源橋上陂

洪源橋下陂

黃家陂

登壇陂

橫源山坑陂 社壇後陂 社稷壇後大陂

巖頭陂 上菴陂 登處投陂

毛宗壇陂 舊陂圳 下洋橋下陂

官圳上俱在招賢里 賴波二陂 鄭林二陂

轉水二陂 半嶺三陂 官山陂

豆嶺陂 演坑二陂 演坑頭陂

常坑陂 常坑一陂 陳源二陂

洋邱陂 井後陂 潮充陂

朋完陂 石波大滙陂 小滙源頭陂

小滙石漁裏陂 石匣外陂

小滙尾陂 際上陂 際下陂

蕭安禮門口陂 湖尾陂

蕭源陂 石累陂 廣教寺陂

西山陂 西源陂 官路下陂

道場陂 橋下二陂 謝坑陂

楞伽寺前陂 路下陂 杭坑陂

演坑臨水殿前陂 烏石陂

營仔陂 橫坑口陂 大王前陂

演口圳上俱在際下陂 馬頭邱陂

曹田前陂 柳田前陂 馬石下陂

蔡村陂 翁八仙下陂 虎猪陂

石碑頭陂 驛前陂 葢竹吳廷輝陂

石倉陂 劉一陂 南橋南壽陂

甌源張陂 葉呂陂 李村葉冲陂

小洋陂 張坂張陂 劉屯陂

並源口陂 上洋葉陂 甘山陂

大廟嶺下陂 古塘 後塘上俱在靖安里

石碧面前陂 山福陂 古樓圓陂

石埭頭陂 潘村陂 翁太傅陂

後溪頭陂 李村陂 張司戶孫陂

張司戶陂 楊塲陂 王朝奉陂

葉南壽二陂 李號陵二陂 葉墩義陂

子橋陂 吳處仁陂 下洋陂

四大陂 重陽陂 葉渙陂

東遊陂 葉暹陂 子期陂

黃家段陂 上洋陂上和里溪邊二陂

藥石頭二陂 溪尾三陂 賴溪陂

賴溪橋頭陂 象古橋頭陂 將溪尾陂

象口陂 及坑頭陂 西山下寺陂

赤嶺頭陂 石坑陂 象溪陂

洪源陂 詹四門首陂 陂頭陂

祥坑陂 葛村二陂 蔡嶺根陂

赤三陂 長山尾陂 社壇前陂

張五十門前陂 吳村陂

張村陂 策頭陂 石鬼陂

葉村四陂 象源十陂 黃衢坑陂

上莊陂 赤源下陂 石灘橋陂

黃衢橋陂 蔣橋頭陂 上俱東禮里 上羽村陂

塘源陂 外洋陂 南山源陂

橫陂 長灘陂 贅嶺根陂

官橋陂 贅山頭陂 溪湖陂

鷄山頭陂 北段陂 朝謝道陂

臺後山陂 媯姑陂 黃陂

洋坑陂 社壇前陂 澤口橋下陂

牛場溪下陂 官陂圳上俱在永平里 大洋陂

湖陂 毛家陂 寺前陂

葉婆陂 洋壇陂 糞斗潭陂

社王前陂 西家潭陂 柘坑源陂上俱在通德里

黃婆陂 水搖頭陂 鼓樓陂

峽口陂 東陂 西陂

檀木陂 謝村陂 限頭陂

古寺潭陂 呂村二陂 張村陂

石歸山陂 祖村頭陂 板心陂

前溪門前陂 煥心陂 水口陂上俱在官田里

章村陂 王屯陂 陳村陂

章家屯陂 茅洋陂 黃家埭陂

郊陽坑陂 潘屯陂 童塢口陂

甘源二陂 周家莊陂 溪邊陂

溪尾陂上俱在登俊里 張家莊陂 東石橋陂

裴石屯陂 臨江嶺陂 礧石陂

吳嶺下陂 陂塘陂上俱在郊陽里 大劍陂

師姑陂 黃公陂 余家陂

破角陂

上俱在募泰里

官庄陂

中村上下陂

高頭陂

山路頭南口陂

南溪村陂

雙溪百眾陂

平石上下濑陂

淡渡陂

徐三大陂

和尚陂

羅屯陂

樟木陂

李村橫山前陂

圓盤陂

楊村陂

排章口大陂

上俱在大石里

毛家陂

楊屯陂

小洋源陂

方家陂

棺陂

漁師陂

張家陂

井嶺陂

張屯陂

石際頭陂

上坑口陂

瀆源陂

卽官大陂

李坑陂

瀆源毛家陂

暫村陂

上俱在泰寧里

曾家洋大陂

苦竹九陂

破角大溪陂

徐家陂

封陂大陂

上俱在高泉里

楊家陂

楊家門口陂

因漿社前陂

俱在山里

李柘陂

石際陂

將軍陂

李梅陂

金落陂

卽韶陂

橫洋大溪邊陂

章村陂

黃餘社壇陂

石壁陂

徐坑陂

子薑古陂

監社陂

全家陂

法源陂

李塘陂

上俱在登雲里

菴下陂

楊村橋頭陂

大塢山陂

權山前陂

廟下陂

又鴉前陂

吳村前陂

權分陂

上鐵坑陂

吳村陂

鐵場陂

峽分陂

張圳陂

巖前大最陂

南山下陂

上萬陂

楊村陂

上場前陂

官闡尾陂

鐵坑陂

官闡陂

南山陂

塔源石塘

上俱在仁風里

藍坑陂

陳村陂

潭源朝高陂

石陂

頭陂

苔痕陂

瓜洋陂

吳潭陂

官塲陂

洋尾陂

龍下陂

染邱陂

沿州陂

龍井陂

蛇陂

龍頭陂

下墩官圳

上俱在新興里

靈巖陂

匾山徐村陂

黃伯灘陂

朱公灘陂

周村陂

山早木根陂

伍社陂

蔣村陂

黃博陂

裏洋陂

裏洋神木根陂

紫家陂

上俱在忠信里

江村古陂

蔡陽鷺頭陂

陂頭石溪陂

蔣家古陂

長洋頭古陂

洪源潭古陂

蔡坂洋頭陂

上俱在鴈塘里

詹溪陂

張李二村陂

上俱在安樂里

谷木巖陂

黃公巖陂

梨梁廟前陂

俱樂平里

五平廟前陂

毛家陂

後坂壠陂

後洋蓮塘

上俱在長樂里

上村陂

龍堂坂

蓮江寺前陂

九石坑口陂

橫溪陂

東溪下陂

陳溪陂

巖口陂

古溪陂

中村陂

際頭陂

菴前陂

湖頭陂

龍閣陂

上臺山下陂

社屋前陂

方頭陂

西村陂

峽陂

石田陂

洋坑陂

上際陂

下際陂

大坑陂

嶺根陂

吳禮陂

陳家陂

陂頭陂

董家陂

松嶺陂

西陂

橋頭陂

汪宅橋頭陂

游家庄陂

周家坑陂

村尾陂

磨車前陂

棗木店陂

匣尾陂

陂下陂

竹園陂

下坑陂

黃橋頭陂

橋頭陂

龍前陂

張公陂

上俱在
原里

隨坑碓前陂

谷山頭陂

余象源崩洪頭陂

井坑陂

倉邱陂

隨坑大溪邊陂

黃段陂

西陽黃村百眾陂

西隱寺前陂

牌前陂

蓬源坑翠巖陂

大湖嶺菴前陂

萬壽寺前陂

上俱在
清湖里

株林洋口陂

三孔山陂

蔡坑山陂

西段陂

吳源陂

龍井嶺陂

黃伯洋陂

楮林陂

安舖橋陂

小充坑陂

黃源口陂

外村陂

湖尾陂

黃源水坑陂

高源坑陂

楊家陂

周璫陂

周三五陂

葉十八陂

清潭陂

周念一陂

石鼓陂

殺狗陂

陳源陂

茶坑陂 毛八門前陂 余孩陂

九石葉十門外陂 大五橋張五門前陂

周六九門前陂 上俱在孝梯里 邊村陂

汪家陂 上同橋頭陂 古樓前陂

堰潭陂 粟州古陂 大陂頭陂

九里陂 上村尾古陂 竹溪陂

上村新溪 吳良陂 秋竹塢新陂

竹園下新陂 塢口古陂 峽口陂

葉陂 黃村古陂 因將古陂

廟陂 楊師潭古陂 上俱在永康里

臨江陂 五畝陂 將軍山陂

白石陂 吳陂 下洋陂

北源陂 江陂 龔陂

烏石上陂 烏石下陂 礪下陂

古樓下陂 勘下頭山陂 資勝源陂

嶺柄陂 何村陂 黃歷陂

筋竹陂 小盤陂 廟下陂

龍坵源外羅巖陂 上俱在羅嶺里 大仙殿前陂

安撫源陂

祖源陂

毛源陂

劉家門口陂

竹源陂

姜源陂

陸源陂

流源陂

新陂上俱在
太平里

松溪縣

湛盧山在縣南連亘東關杉溪二里及政和縣界山

形峻峭常有雲霧浮凝其上春秋之間炫耀百狀

唐拾遺記九域志竝云此山為湛王鑄劍之所爐

冶遺迹及唐貞觀中石刻崖上至今尚存又云歐

冶子鑄劍有名湛盧者因以名山傍有劍池一清

徹底宋元符已卯歲旱邑令周公才禱雨獲應因

立祠焉朱熹因父松宦政和縣葬父森於護國寺

自後往來祭掃僑寓此讀書有精舍膳田歷久湮

沒悉為異端侵矣明嘉靖丙申歲同知汪沅與知

縣黃金復立書院仍區處田五十餘畝以供祀事

邑民陳聖鎔慕義亦入田八畝餘以助之

獅山由西北萬山而來盤迴起伏屹立縣北蓋縣

治之主山也舊傳謂有元素翁者修真於此俗又

謂之尊師山

石壁山在縣治南一名掛榜山下有龍潭舊傳有龍
出沒歲旱禱雨多應又謂之龍井

妙峯山左接大姥嶺右聯花蕊峯宋紹興間僧懷辯
結菴其上名德雲菴以峯巒稠疊松竹蒼翠故名

誥屏山山勢秀聳下有石如屏形謂似貴人展誥故
名下有石虹舊立亭其上俗又謂之虹亭山

七峯山七峯連亘龍騰鳳舞有菴曰雲際元大德間

重修上俱東關里

中峯山衆山中有峯奇秀特出舊志云唐景福中有

高僧行儒建菴其上傍有伏虎壇

萬山周廻五十餘里或謂山所產萬種或謂昔有萬
氏居之故名宋元豐間僧海照結菴其上故址猶
存

王認山峭立諸峯之上宋益王昱由剡入閩經此山
愛其勝賞之邑人因以名山中有瀑布龍井石門
衆猿八景今逸其半上俱飯伏里

南峯山舊傳嘗有三仙憩此因構南峯亭後廢明天
順間道士章清源建新之

皆望山峭拔高出登其巔環邑諸山皆在目中故名
元大德間僧圓照建菴名曰雲祐至大間僧覺正
重修上俱杉溪里

筋竹山在蒙田里有石室可容十數人傍有古井相
傳有異人修道山中登雲而去遺壇猶在東有巖
竇歲旱人禱竇中泉湧出以瓶盛之泉竭卽雨

鸞峯山在永和里山勢峻拔南接龍泉北連南浦延
袤二百餘里相傳有仙人乘白鸞翔遊其間故名
上有古壇有鐵鑄大香爐四座壇東有龍井禱雨

卽應

東山在遂應場一名吳家山

圓珠山在遂應場其狀如珠故名

南屏山在遂應場南一里許峯巒橫亘如屏障上有
石牛峯及石狗石馬石龜石佛石象諸像又名石

林山

白馬山在慶原里

雲峯山在慶元里

大嶺山在杉溪里

建寧府志
花蕊峯在東關里峯巒稠疊狀如花蕊

石牛峯在遂應場西有巨石如牛

百丈巖在皈伏里舊傳馬氏仙女於此上昇巔有三
聖井又有石礪宛若陶成鄉人禱雨不應以木石
投之雷雨立至

獅子巖在慶元里以形似名前有石室高丈餘廣五
尺許中有竅僅容一人側行

使君巖舊志云昔刺史王汝休嘗發兵收復此地因
名

香婆巖舊志載嘉定間里人陳翁女自少不醮以鬻

香為業有剩香輒焚巖下或依巖宿數日不食人

以為癡惟李五即每禮遇之一日鬻香還呼五即

比至已化矣因食其所遺飯亦化去邑人遂名其

巖曰香婆

上俱象田里

花巖在東關里巖石有五色紋綵相間故名鄉人立

祀馬氏仙女前有三井旱禱立應後一大石如鼓

如磨狀甚奇異

瑞巖下有石室可容數十人崖上有黑紋如畫叢篁

之狀西邊有泉迸出下有石竇昔僧西洲結菴其上

寶勝巖有石室前後有門相傳吳道者居此辟穀數

年羽化而去

上俱遂應場

靈應巖在遂應場東南相傳有柴胡二仙於此羽化山之巔有小竅常枯歲旱邑人禱之得泉卽雨

桃源洞在湛盧山中宋元符間縣令周公才以禱雨有應因以立祠鑿趾之日有石洞發於西南隅冽泉隨湧出桃花數片因名

石洞在虹亭之下空洞深邃可容數人故名

迴沙在平政橋放生池上相傳迴沙成坂士人首薦

宋時沙迴者四而李憐吳巖夫李扶葉元皆鄉薦

首

松源溪在縣南一名大溪源出澗之慶元縣松源鄉

經梓亭寨迤邐出關口渡合流抵政和縣西津按

七星溪下建安東流

樂平溪發源於遂應場西北流三十里會松峽溪合流又三十里出關口渡入大溪

新坑溪源出慶元梓亭寨經皈伏里至新坑橋

杉溪源出上元南至杉溪橋入大溪

雲溪源出慶元至獅子巖南流六十里至政和縣界

入大溪

清源溪源出筋竹山東北經永和里入大溪

白石溪源出杉溪里西流一十五里經官橋入大溪

渡頭溪源出筋竹山西流經永寧里入大溪

直源溪源出皈伏里花巖東流至縣之南入大溪

松峽溪源出東關里鐵嶺至關口渡

水利

化龍陂 溉田二百畝 在十四都

黃泉陂 溉田一千 五百畝

三百陂 溉田三百畝 上俱在一都

菴溪陂 溉田一千 畝在九都

龍居陂 溉田千餘 畝在十都

坡角陂 溉田五百 畝

官橋陂 溉田二百畝 俱在十二都

梅坊陂 溉田五百餘 畝在七都

夙坊陂 溉田十頃 在八都

政和縣

黃熊山在縣治北縣之主山也相傳山嘗有黃熊見

故名堪輿家謂此山之形如展旗而無劔戟森布

非武也特文人之施耳故又名曰文旃山上有白雲精舍百步許有福慶堂邑人侍郎吳廷用嘗讀書于此

文筆山在縣南八里許奇峯峭拔如筆架狀

洞宮山在十六都道家謂三十七福地其山重疊九峯狀如蓮葉又謂之九蓮峯古有魏虞二真人于此煉丹後上昇因號魏虞洞天一號無爲神化洞天九蓮峯下山谷平行謂之谷洋又有西門嶺嶺西有奇峯石壁喬松鬱然謂之翠屏峯峯折而南

有岑巖竝立謂之東西二寶臺迤西有平田魏虞二真人宮在焉宮傍有洞宮禪院遙見青石壇高數百丈餘名飛昇壇壇左右有香爐峯蓮花石石幕巖觀音巖羅漢巖東有石筍插天南有絕壁五龕如鑿閣皆三丈餘是爲丹室又有獅子巖下有石龜坑皆奇絕世謂洞天十奇云

芝山巖間有石如龍下有會仙菴

上俱政和四里

拳仙山在政和東里遇早有禱必應

大風山在感化里峯巒秀拔絕類廬山五老峯有石

室周廣丈餘相傳昔有趙元琦者受仙訣于此嘗
言不畏大風則大山可登故名峯背有巨迹三號
仙牛迹其左爲觀音巖右爲羅漢洞洞有泗洲禪
僧石像上有寶勝菴

滿月山在縣西南十五里山峯圓如滿月上有飛昇
壇滿月菴相傳顧思遠煉丹于此有龍井在焉
望瀾山在長城里其勢拔地摩天常有雲氣冒其上
俗傳古有大魚姬者受仙訣于此望見白鶴從括
蒼來喜曰瀾仙至矣遂乘鶴上昇山上有池遇旱

不涸宋范汝爲作亂里人避居其上全活甚衆

銅盤山在感化里俗傳胡仙姬遺銅盤于上人有欲
持去者盤卽化爲石上有飛昇巖

獎山在東平里其山峭拔入雲山頂凹處有田百餘
畝唐僧元獎勸菴于上元僧慧空復勸菴于其東
又東梅有女子因旱鑿山引水以溉東梅之田遂
爲沃饒鄉人亦勸菴祀之山有觀音巖石柱巖白
牛巖石龍洞雙門洞葫蘆潭七聖潭皆勝境也又
慧空菴東十里絕巘上有望海堂石梯巖下有磬

照菴後人以石梯難登遠西山開嶺以達菴所
 南禪山在縣西北六十里峯巒奇秀上有龍井
 籌坑山中有天柱峯獅子巖羅漢巖將軍巖屏風石
 葫蘆石石室龍井又有嶺亦名籌坑又有圓照菴
 前有聖木凡三石井一井外狹內廣深不可測神
 龍所居遇旱以鐵石投之雷雨立至傍有泉一穴
 清甘可飲昔有雙牛鬪其畔見者以石擊之牛奔
 入穴雷雨大作

池棟山巖壁峭崿橫絕溪流如屋棟然下有兩穴以

泄東池之水

上俱政和南里

飛鳳山一名正拜山又名皇華山

佛字山石上有紋成佛字

九蓬山一峯最高曰龍馬宋孝光二朝間龍馬生焉

上俱東衢里

蓮花峯在感化下里峯巒高聳紫翠重疊下有護國

禪師院院西廡外有朱朱良材墓熹之祖也元季

邑人張以仁魏伯堅卜築峯下而謝坤孫蘊余應

皆從之遊人稱山中五鳳

蝦蟆峯 在東衢里

斧釜嶺

虎嘯嶺 上俱東衢里

黃嶺

石豹嶺 上俱南里

東門嶺 在北里

山表嶺

姥嶺 上俱東里

逃奴嶺

在東平里嶺之名不知何義舊傳詩云憶昔炎劉法網疎季生當醢卻備逋至今猶號逃奴嶺簇簇人家誰姓朱借用漢季布之事也

常思嶺 在長城里

西門嶺

秋竹嶺 在西里

鶴都嶺 在感化上里

和尚嶺 在感化下里

白鶴白狗二巖與松溪縣湛盧山聯屬相傳魏虞二

真人常攜鶴與犬遊此山故名今巖之南有萬松

菴北有會龍菴皆在山頂

白巖在感化下里狀如屏縣治之祖山也

棋枰巖在高宅里秀拔如方几可容數十人相傳魏

虞二仙嘗局戲于此

南安巖在縣西長城里有石室方廣數丈中有馬仙

祠

礪坑洞在縣西長城里洞據巖崖石壁之間寬廣可

容百餘人邑民遇寇避於此

天柱石在縣東政和南里方廣數丈高數十丈上下

大小如一望之宛如天柱

七星溪源出銅盤山下經感化東衢長城三里迤邐

西流南會浴龍西會東平溪自是合於大溪下抵

建安東溪

浴龍溪源出九蓬山下出考口入七星溪

石龜溪源出長嶺腰南至鐵山口入七星溪

胡屯溪納黃嶺坑之水出池棟入七星溪

赤硃溪源出石豹坑自西流至於黃嶺東十五里而

會煖溪之水經石門入大溪

東平溪發源獎山出常口受松溪之水至西津會七

星溪

東梅溪源出師姑圳入松溪

山表溪源有六分爲二水西流入於甌寧縣界

和溪源出西表嶺至放生潭折而東流

苦竹溪在縣北源至苦竹嶺自北而南有十里灘

下元溪在縣西南源出籌嶺至蛟龍潭與李洋水合

流入雙澗溪

雙澗溪在縣東源出西門嶺自東而西至赤巖寨口

折而東流

淳江溪源出峽頭東流

上俱東溪入寧德縣界

放生池在水南考口溪側其上有亭

定漏泉在縣治東南藥山下一穴湧出冬溫夏冽色

清而味甘陰陽家取以定銅壺刻數毫釐不爽

水利

黃陂

倪家陂

下藥陂

廟前陂

范屯陂

上邊陂

上俱在坊一圖

在坊三圖

在下里二一都一圖

在下里二一都二圖

黃源下陂

在下里二一都一圖

橫林花橋下陂

在下里四一都一圖

坑口陂

在下里四一都二圖

半嶺陂

游田陂

東澗碓陂

上俱上里五都一圖

峯口陂

在上里五都二圖

官陂

姜家陂

俱在上里六都一圖

馬頭壇陂

在南里八都二圖

江山陂

渡頭陂

俱在東衢里二十都一圖

劉家陂

坊頭上陂

俱在東衢里十九都一圖

山灣陂

茶嶺陂

俱在東衢里十一都一圖

坊頭下陂

在東衢里十都一圖

瀛口陂

九墟坵陂

俱在東衢里二
十一都二圖

官湖陂

在東衢里二
十二都一圖

袁屯陂

桐嶺陂

猪頭坵陂

石圳坊頭陂

烏鳳山前陂

俱在東
衢里

溪竹官陂

厝前陂

俱在東宅里二
十四都一圖

倪屯陂

在高宅里二
十五都一圖

百犁坵陂

葛頭陂

在長城里二
十六都二圖

楓樹陂

洞林陂

烏石陂

俱在長城里二
十七都一圖

古洋陂

黃湖陂

俱在長城里二
十八都一圖

黃整墳前陂

黃尖陂

俱在東平里二
十九都一圖

軍營陂

在東平里三
十都二圖

壽寧縣

鎮武山在縣治北卽王山也以類人形且居北方秀

甲一境故建邑據之

翠屏山在縣治南

叢珠山在縣治東

天馬山在縣治西

扳仙山上有巖如石乳禱雨多

應

香爐山

高山

小托山

大蜀山

上俱在
縣坊隅

西山在縣治西十里峯最高雲霧見則雨

金鼓山傳山巔有巨石擊之若金鼓聲金山在五都
長洋鼓山在九都基德

棋盤山去縣二十里舊傳仙人弈棋于此局迹尙存
駐蹕山在縣東四十里山形聳秀四面奔伏宛如車
馬故名又名天子下車山

南山在城東二十里下有高峯菴

鳳山在城西其狀如鳳名龍頭彎

馬鞍山在縣南五十里俗稱旗揚洞口虎伏巖前洞
闊二十餘丈

天池山山巔有清泉

樵子尖山有鐵香爐俗謂白鶴仙遺迹巖有石乳泉
流出卽雨鄉民禱雨于此甚驗下有龍井

仙峯山谷傳孫九仁住廬山學法歸葬于此

羅家山山峯高聳十隱雲霧

鐵嶂山絕頂有石似香爐

萃蓋山在縣西三十里

牛頭山勢如牛首橫亘大溪

官臺山 漸山 孤長山
一峯獨聳四山皆
下故名上福安里

多
二

牧童山在縣南八十里

紫翠巖山

白巖仙菴山古有黃三公飛昇於此

佛滌山山形挺拔鬱秀可觀

基德八仙菴山山巔有巨石方圓數丈存有碁盤迹

仙人迹山

古鼎山上有小東寺勝境下有石柱數丈奇異可愛

百里林山在縣北一百里林木茂密

東山形如白象登之可望閩浙二界

立茂山形如獅高仰上俱政和里

溪頭嶺

車嶺

彈子嶺

山有石竇萬計內出彈如雀卵大每

實五六顆

上坑嶺

楊梅嶺

九嶺

山有九支因名

黃谷嶺

青竹嶺

冢門嶺

俱在石虎嶺縣坊

新峯嶺

花嶺

大同嶺

俱福安里西表嶺

庾嶺

虎穿嶺

芹洋嶺

尤溪嶺

官田嶺

古鼎嶺

立茂嶺

黃奇嶺

俱政和里

大熟嶺

高斜嶺

牛蹄嶺

黃坑嶺下有坑堂

石井嶺

橫槎嶺

後坑嶺 檀香嶺 楊溪坑嶺 張廣地嶺

山東坑嶺 可慣嶺 佛深嶺 龍溪嶺

小東嶺 茗坑嶺 官田嶺 烏石嶺

七星巖在縣西有七巖布列溪澗如星皆傳有仙人

飛昇于此

星毬巖在縣西知縣張鶴年刻湛甘泉妙墨于上土

民又建懷臯亭久燬

石鼓巖在縣東其石如鼓擊之有聲

石馬巖在縣西門外溪中形似馬伏

石笏巖在縣東其石似笏

烏巖在縣北七十里東鋪

犀迹巖在縣東犀溪石上有犀牛迹

印石在九都溪潭中有巨石方正如印

蟾溪在縣治南發源大蜀山下經縣東流至福安縣

以至于海

托溪源出慶元縣桃嶺下經流雙港沙潭會芹洋溪

入斜灘東流入海

局下溪發源西溪經流一都犀溪入福安縣

茗溪源出高山北溪入于蟾溪

源底溪源出青竹嶺下北流會滌頭入蟾溪

南溪在縣南源出紫翠巖迤邐流至福安縣入于海

平溪在縣北源出西表嶺東流

尤溪在縣東源出虎穿嶺下東流

丹溪在縣東源出峽頭山下經十里會于九嶺溪入

斜溪灘注于溪

九嶺溪在縣三圖源出大黍由芹洋東流

上俱入南溪

鐵梗溪在縣東源出東山下會楊梅洲溪經東溪頭

雙港至福安縣入海

上地溪在縣治北源出百里林山下入楊梅洲溪

漁溪在縣治東源出立茂山下南流遶花嶺至福安

縣入海

犀溪在縣東南源出佛滌山東流入官田場龍潭溪

至福安縣入于海

龍潭溪與犀溪同源

禾溪在縣西源出牧童坂山下至溪口經福寧州入

于海

制池一在按察司後一在射圃前一池俱副使沈公
訥所鑿居北以禳火災

班鳩窟在九都東溪巖上每冬月羣鳩集飲于此
官亭泉在城南三里香冽甚美

車嶺泉在嶺中亭

水利

司前陂在石橋上

城西陂在西門外

城東陂在東門外

茗溪陂在坊四圍

坑底陂溉田一百餘畝在城北圳

壇下陂溉田一百餘畝在邑厲壇下

後鑿陂溉田五十畝在城西圳

里老橋陂溉田二百餘畝在福安里

梅子灣陂在東門外小楊梅村

際頭陂在坊四圍

建寧府志卷之五



勝子津列
主東門外

為成列
主東門外

為聖列
主東門外

聖步列
主東門外

